

**SESIÓN ORDINARIA DA XUNTA DE GOBERNO LOCAL CELEBRADA O DÍA 15 DE
OUTUBRO DE 2015.-**
ÍNDICE DE PUNTOS

PUNTO PRIMEIRO.- ACTAS ANTERIORES.-.....	3
PUNTO SEGUNDO.- PRÓRROGA LICENZA DE OBRA.-.....	3
PUNTO TERCEIRO.- LICENZAS DE SEGREGACIÓN.-.....	4
PUNTO CUARTO.- LICENZA MUNICIPAL PARA A DIVISIÓN DA PARCELA ZV-1 DO SECTOR S-16 EN CUMPRIMENTO DO PREVISTO NO ARTIGO 8.1.1 DO PLAN XERAL DE ORDENACIÓN MUNICIPAL.-.....	4
PUNTO QUINTO.- REAXUSTE DE GARANTÍA E FORMALIZACIÓN DA MODIFICACIÓN DO CONTRATO DE LIMPEZA DE CENTROS DE EDUCACIÓN INFANTIL E PRIMARIA E ESCOLAS UNITARIAS DO CONCELLO DE AMES, SUBSCRITO CON LIMPIEZAS SALGADO, S.L.-.....	6
PUNTO SEXTO.- PRIMEIRA PRÓRROGA DO CONTRATO DE SERVIZOS DE LIMPEZA DAS ESCOLAS INFANTÍS DE AMES (O BOSQUE, A MADALENA E A GALIÑA AZUL).-.....	6
PUNTO SÉTIMO.- PRIMEIRA PRÓRROGA DO CONTRATO DE SERVIZOS DE LIMPEZA DE CENTROS DE EDUCACIÓN INFANTIL E PRIMARIA E ESCOLAS UNITARIAS DO CONCELLO DE AMES, SUBSCRITO CON LIMPIEZAS SALGADO, S.L.-.....	7

C.I.F.: P – 1500200 – I

SESIÓN ORDINARIA DA XUNTA DE GOBERNO LOCAL DO DÍA 15 DE OUTUBRO DE 2015.-

Na Casa Consistorial de Ames, sendo as nove horas (9:00 h) do día quince (15) de outubro de dous mil quince (2015), reúnese a Xunta de Goberno Local deste Concello en sesión ordinaria de primeira convocatoria, baixo a Presidencia do alcalde José Manuel Miñones Conde, e coa asistencia dos/as tenentes de alcalde Genma Otero Uhía, David Santomil Mosquera, José Blas García Piñeiro, Silvia Dapena Liñares, M^a Isabel Vaquero Quintela e Luisa Feijóo Montero.

Asiste o **interventor** José Antonio Rueda Valenzuela.

Actúa de **secretaria** a titular da Corporación, Rosa Ana Prada Queipo.

PUNTO PRIMEIRO.- ACTAS ANTERIORES.-

O señor presidente pregunta aos asistentes se teñen algunha alegación que formular á acta da sesión anterior, correspondente á **sesión ordinaria do 8 de outubro de 2015**, e que foi distribuída con anterioridade, en cumprimento do establecido no artigo 91.1 do Regulamento de Organización, Funcionamento e Réxime Xurídico das entidades locais, aprobado polo Real Decreto Lexislativo 2568/1986 de 28 de novembro. (ROF).

Non formulándose alegacións polos asistentes, a Presidencia declara aprobada a acta por unanimidade.

PUNTO SEGUNDO.- PRÓRROGA LICENZA DE OBRA.-

1.- Expediente 2/2015.

A Xunta de Goberno Local de 6 de setembro de 2012, concedeu licenza de obras a **Mario Constenla Trasande**, con NIF 44.088.927-C, para a construción dunha vivenda unifamiliar no lugar de Quistiláns, parroquia de Bugallido (Ames).

O 4 de setembro de 2015, o interesado solicita ampliación do prazo da licenza por non estar rematada a obra.

O art. 197.2 da Lei 9/2002, de 30 de decembro, de ordenación urbanística e protección do medio rural de Galicia (LOUGA), permite que o Concello poda conceder dita prórroga sempre que sexa por prazo non superior ao inicialmente concedido, a solicitude se presente antes de rematar o prazo para o que se solicite a prórroga e no momento da solicitude a licenza sexa conforme co ordenamento urbanístico.

No presente suposto, a licenza foi concedida o 6 de setembro de 2012 e a solicitude de prórroga presentouse o 4 de setembro de 2015, polo que se presentou antes de que transcorra o prazo de tres anos inicialmente concedido.

Consta no expediente informe da arquitecta municipal emitido o 2 de outubro de 2015 e da asesora xurídica de Urbanismo de 8 de outubro de 2015, ambos en sentido favorable.

En aplicación da Ordenanza fiscal reguladora da taxa pola expedición de licenzas urbanísticas aboáronse as taxas por un importe de 64,57 euros.

Á vista dos informes favorables, técnico e xurídico, obrantes no expediente, a Xunta de Goberno Local, por unanimidade dos seus membros presentes, previa delegación da Alcaldía (decreto 926/2015), adopta os seguintes acordos:

Primeiro.- Conceder a **Mario Constenla Trasande**, con NIF 44.088.927-C, a prórroga solicitada da licenza de obras concedida por acordo da Xunta de Goberno Local do 6 de setembro de 2012 para a construción dunha vivenda unifamiliar no lugar de Quistiláns, parroquia de Bugallido. A prórroga que se autoriza é de tres anos, a contar dende o día seguinte ao da recepción da notificación do presente acordo.

Segundo.- Deberán manterse todas as condicións da licenza de obra autorizada por acordo

da Xunta de Goberno Local de 6 de setembro de 2012, coa excepción do prazo que agora se prorroga.

Terceiro.- Facultar ao señor alcalde, para cantas actuacións de trámite sexan precisas para a mellor execución do acordado.

PUNTO TERCEIRO.- LICENZAS DE SEGREGACIÓN.-

Expediente 2015/U018/000012

Dáse conta da solicitude presentada por **José Antonio Camiño Framil**, con NIF 78.795.958-M, para a segregación dunha parcela sita no lugar de Guimaráns, parroquia de Bugallido, con referencia catastral núm. 0639102NH3403N0001PU, segundo o proxecto redactado polo arquitecto don Adrián Lamas Arangüena, colexiado núm. 4463 do COAG.

A arquitecta municipal Marta Bellas Rodríguez emite informe en sentido favorable o día 7 de outubro de 2015. A asesora xurídica de Urbanismo Carlota Díaz Tomé emite informe favorable o 8 de outubro de 2015.

Clasificación e cualificación do solo segundo PXOM: Solo de núcleo rural disperso.

En aplicación da Ordenanza fiscal reguladora da taxa pola expedición de licenzas urbanísticas aboáronse as taxas por un importe de 129,14 euros.

Á vista dos informes favorables, técnico e xurídico, obrantes no expediente, a Xunta de Goberno Local, por unanimidade dos seus membros presentes, previa delegación da Alcaldía (decreto 926/2015), adopta os seguintes acordos:

Primeiro.- Conceder, salvo o dereito de propiedade e sen prexuízo do de terceiro, a **licenza urbanística** solicitada por **José Antonio Camiño Framil**, con NIF 78.795.958-M, **para a parcelación** da finca con referencia catastral número 0639102NH3403N0001PU, situada en Guimaráns, Bugallido, en dúas novas parcelas, segundo o proxecto redactado polo arquitecto don Adrián Lamas Arangüena, colexiado núm. 4463 do COAG, proxecto reformado achegado o 23 de setembro de 2015 (R.E. núm. 10.565) e o informe subscrito pola arquitecta municipal, e cuxa descrición das parcelas de resultado é o seguinte:

Parcela	Superficie bruta	Cesión viais	Superficie Neta
Parcela Segregada	1.358 m ²	114m ² +25,5 m ²	1.218,50 m ²
Resto de finca matriz	1.358 m ²	114m ² +29 m ²	1.215 m ²
TOTAL:	2.716 m ²	228,5 m ²	2.433,50 m ²

As cesións correspondentes ao retranqueo para ampliación da vía pública, deberán ser efectivas de xeito previo ou simultáneo ao outorgamento das licenzas de obra.

Segundo.- Formalizarase ante o Catastro Inmobiliario a declaración conducente á incorporación no mesmo da modificación do inmovible derivada da actuación para a que se outorga a presente licenza.

Terceiro.- Facultar ao señor alcalde, para cantas actuacións de trámite sexan precisas para a mellor execución do acordado.

PUNTO CUARTO.- LICENZA MUNICIPAL PARA A DIVISIÓN DA PARCELA ZV-1 DO SECTOR S-16 EN CUMPRIMENTO DO PREVISTO NO ARTIGO 8.1.1 DO PLAN XERAL DE ORDENACIÓN MUNICIPAL.-

A Xunta de Goberno Local de 18 de xullo de 2007, aprobou definitivamente o proxecto de compensación do Plan Parcial do S-16 "Travesía do Porto Sur".

O 29 de novembro de 2012 o pleno do Concello de Ames aproba definitivamente a modificación puntual do Plan Parcial do sector S-14, "Travesía do Porto Norte", e por mor da conveniencia da tramitación simultánea desta modificación xunto co sector lindeiro, na mesma sesión plenaria aprobouse nos mesmos termos a modificación puntual do Plan Parcial do sector S-16 "Travesía do Porto Sur".

Ditas modificacións fixéronse coa finalidade da mellora na configuración das zonas verdes e equipamentos públicos resultantes da execución dos plans parciais de ambos sectores, lindeiros

entre si, co fin de acadar compactación na súa distribución sen que afecte á superficie destinada a estes no planeamento.

Unha das parcelas que forman parte do S-16 é a parcela ZV1 (Sistema de espazos libres de dominio y uso público). Ten unha superficie de 8089,79 m², e está inscrita no Rexistro da Propiedade de Negreira (Tomo 1395, Libro 535, Folio 102), co número de finca 35043. A descrición rexistral é: parcela destinada a uso de sistemas libres de dominio publico, en el Sector de Suelo Urbanizable S-16 "Galdrachán", Ames.

Con data do 2 de outubro de 2015, a arquitecta municipal emite informe no que propón a segregación da parcela de ZV1 en dúas parcelas (finca de resultado e resto de finca matriz), do seguinte modo:

Parcela segregada	503,23m ²
Resto de finca matriz	7586,51m ²
Total ZV1	8089,74m ²

Á vista da aprobación definitiva da modificación puntual do sector de solo urbanizable S-16, que divide a parcela ZV-1 en dúas zonas con usos distintos, procede tamén a división xurídica dos mesmos, co fin de que quede constancia rexistral. O dito proxecto, en consecuencia, non ten efectos de parcelación urbanística, senón de segregación o división do terreo segundo o uso que lle corresponde (regularización da propiedade), e que segundo o artigo 8.1.1. do PXOM está suxeita a previa licenza municipal.

A modificación do S-16 adxudicándolle usos distintos a dous espazos dentro da parcela ZV-1 non ten efectos ipso iure no Rexistro da Propiedade, polo que debe procederse á segregación da parcela mediante licenza.

Figuran no expediente informes da arquitecta municipal de data 2 de outubro de 2015 e tamén da asesora xurídica de Urbanismo de data 7 de outubro de 2015.

Á vista dos informes favorables, técnico e xurídico, obrantes no expediente, a Xunta de Goberno Local, por unanimidade dos seus membros presentes, previa delegación da Alcaldía (decreto 926/2015), adopta os seguintes acordos:

Primeiro.- Autorizar a división da parcela ZV-1 do sector S-16 "Travesía do Porto Sur", en dúas novas parcelas segundo consta no informe proposta asinado con data 2 de outubro pola arquitecta municipal Marta Bellas Rodríguez, e cuxa descrición das parcelas é a seguinte:

Parcelas de resultado	Superficie (m ²)
Parcela segregada	503,23m ²
Resto de finca matriz	7.586,51m ²
Total (parcela matriz ZV-1)	8.089,74m ²

Descrición de parcelas de resultado:

Parcela segregada:

Parcela de 503,23m², de forma sensiblemente cuadrangular, que linda:

Norte, sur e leste: Con límite do ámbito.

Oeste: Con parcela segregada 2 (resto de finca matriz).

Uso: dotacional público.

Resto de finca matriz:

Parcela de 7.586,51m² de superficie, de forma irregular, que linda:

Norte: Con viario público peatonal. Con límite del ámbito.

Sur: Con vial de nueva apertura número 5

Este: Con viario público peatonal. Seguido por ELP-19, AR-19, ELP-18 y AR-18.

Con parcela segregada nº1

Oeste: Con viario público peatonal. Seguido por ELP-22, AR-22, ELP-21, AR-21 ELP-20 y AR-20 Parcela destinada a uso de sistemas de espacios libres de dominio y uso público.

Segundo.- Comuníquese o presente acordo ao Rexistro da Propiedade de Negreira aos efectos previstos no artigo 205.2 da Lei 9/2002, de 30 de decembro, de ordenación urbanística e de protección do medio rural de Galicia, e o art. 78 do Real decreto 1093/1997, de 4 de xullo, polo que se aproban as normas complementarias ao Regulamento para a execución da Lei hipotecaria sobre inscrición no Rexistro da Propiedade de actos de natureza urbanística.

Terceiro.- Facultar ao señor alcalde, para cantas actuacións de trámite sexan precisas para a mellor execución do acordado.

PUNTO QUINTO.- REAXUSTE DE GARANTÍA E FORMALIZACIÓN DA MODIFICACIÓN DO CONTRATO DE LIMPEZA DE CENTROS DE EDUCACIÓN INFANTIL E PRIMARIA E ESCOLAS UNITARIAS DO CONCELLO DE AMES, SUBSCRITO CON LIMPIEZAS SALGADO, S.L.-

En Xunta de Goberno Local de 24 de setembro de 2015 prestouse aprobación á modificación do contrato de servizos de limpeza de centros de educación infantil e primaria do Concello de Ames, suscrito con Limpiezas Salgado, S.L.

En virtude do referido acordo foille concedido á empresa contratista un prazo de alegacións de dez días, sen que presentase ningunha alegación mais alá da conformidade amosada verbalmente.

Procede, en cumprimento do acordo de 24 de setembro de 2015, proceder á formalización da modificación do contrato, así como ao reaxuste da garantía nos termos recollidos no artigo 99.3 do Texto refundido da Lei de contratos do sector público.

Figura informe de fiscalización favorable da Intervención municipal 218/2015.

A Xunta de Goberno Local, por unanimidade dos seus membros presentes, previa delegación da Alcaldía (decreto 926/2015), adopta os seguintes acordos:

Primeiro.- Notificar ao contratista Limpiezas Salgado, S.L., que debe proceder a reaxustar a garantía do contrato de servizos de limpeza de centros de educación infantil e primaria e escolas unitarias do Concello de Ames, como consecuencia da modificación acordada en Xunta de Goberno Local de 24 de setembro de 2015. Deberá procederse, así mesmo, a formalizar a modificación do contrato.

Segundo.- Facultar ao señor alcalde, para cantas actuacións de trámite sexan precisas para a mellor execución do acordado.

PUNTO SEXTO.- PRIMEIRA PRÓRROGA DO CONTRATO DE SERVIZOS DE LIMPEZA DAS ESCOLAS INFANTÍS DE AMES (O BOSQUE, A MADALENA E A GALIÑA AZUL).-

Con data 27 de agosto de 2015, a empresa Limpiezas Salgado, S.L., mediante instancia presentada por rexistro de entrada, con número 9.620, solicita prórroga do contrato de servizos denominado *Limpieza das Escolas Infantís de Ames (O Bosque, A Madalena e A Galiña Azul)*, en base á cláusula segunda do contrato.

Visto o informe favorable de 13 de outubro de 2015 emitido polo titular da Concellaría de Educación e Cultura en relación á primeira prórroga do contrato de servizos de *Limpieza das Escolas Infantís de Ames (O Bosque, A Madalena e Galiña Azul)*.

Visto o informe de 14 de outubro de 2015 emitido por Secretaría sobre a lexislación aplicable e órgano competente para autorizar a primeira prórroga do contrato de servizos *Limpieza das Escolas Infantís de Ames (O Bosque, A Madalena e Galiña Azul)*.

Visto o informe de 15 de outubro de 2015 emitido pola Intervención, de fiscalización previa, en relación coa primeira prórroga do contrato de servizos *Limpieza das Escolas Infantís de Ames (O Bosque, A Madalena e Galiña Azul)*.

De conformidade co establecido na Disposición Adicional Segunda e os artigos 23 e 110 do Texto refundido da Lei de contratos do sector público (TRLCS), así como a delegación efectuada mediante decreto de Alcaldía 926/2015, de 17 de xullo (BOP nº 133, de 16 de xullo de 2015), a Xunta de Goberno Local, por unanimidade dos seus membros presentes, adopta os seguintes acordos:

Primeiro.- Autorizar a primeira prórroga do contrato de servizos *Limpeza das Escolas Infantís de Ames (O Bosque, A Madalena e Galiña Azul)* por un ano, en base á cláusula segunda do contrato formalizado o 15 de outubro de 2013, coa empresa Limpiezas Salgado, S.L.

As características do contrato permanecerán inalterables durante o período de prórroga.

Segunda.- Notificar á empresa Limpiezas Salgado S.L., adxudicataria do contrato, o acordo de prórroga.

Terceira.- Facultar ao alcalde-presidente do Concello de Ames para cantas actuacións e trámites sexan precisas para a mellor execución do acordado.

PUNTO SÉTIMO.- PRIMEIRA PRÓRROGA DO CONTRATO DE SERVIZOS DE LIMPEZA DE CENTROS DE EDUCACIÓN INFANTIL E PRIMARIA E ESCOLAS UNITARIAS DO CONCELLO DE AMES, SUBSCRITO CON LIMPIEZAS SALGADO, S.L.-

Con data 27 de agosto de 2015, a empresa Limpiezas Salgado S.L., mediante instancia presentada por rexistro de entrada, con número 9.619, solicita prórroga do contrato de servizos *Limpeza de Centros de Educación Infantil e Primaria e Escolas Unitarias do Concello de Ames*, en base á cláusula segunda do contrato.

Visto a proposta favorable de 13 de outubro de 2015 emitida polo titular da Concellaría de Educación e Cultura en relación á primeira prórroga do contrato de servizos *Limpeza de Centros de Educación Infantil e Primaria e Escolas Unitarias do Concello de Ames*.

Visto o informe de 14 de outubro de 2015 emitido por Secretaría sobre a lexislación aplicable e órgano competente para autorizar a primeira prórroga do contrato de servizos *Limpeza de Centros de Educación Infantil e Primaria e Escolas Unitarias do Concello de Ames*.

Visto o informe de fiscalización, de 15 de outubro de 2015, emitido pola Intervención Municipal, en sentido favorable.

De conformidade co establecido na Disposición Adicional Segunda e os artigos 23 e 110 do Texto refundido da Lei de contratos do sector público (TRLCS), así como a delegación efectuada mediante decreto da Alcaldía 926/2015, de 17 de xullo (BOP nº 133, de 16 de xullo de 2015), a Xunta de Goberno Local, por unanimidade dos seus membros presentes, adopta os seguintes acordos:

Primeiro.- Autorizar a primeira prórroga do contrato de servizos *Limpeza de Centros de Educación Infantil e Primaria e Escolas Unitarias do Concello de Ames*, por un prazo dun ano, en base á cláusula segunda do contrato formalizado o 15 de outubro de 2013, coa empresa Limpiezas Salgado S.L.

As características do contrato permanecerán inalterables durante o período de prórroga.

Segunda.- Notificar á empresa Limpiezas Salgado S.L., adxudicataria do contrato o acordo de prórroga.

Terceira.- Facultar ao alcalde-presidente do Concello de Ames para cantas actuacións e trámites sexan precisas para a mellor execución do acordado.

E non habendo máis asuntos que tratar levántase a sesión ás nove horas e trinta minutos, estendéndose a presente acta que asina o señor presidente, do que certifico.